



# GAA-OSHKAAZHIIWAAD (ADIK GAYE MOOZ) PAYATE ISHIKIISHWEWIN MAMAW

Ekii'oshiipihikatek kacakosich kiisis 2026



Nanaando-gikenjigaade eyaawaad gaa-oshkazhiiwaad imaa Dazhiikewin Enamok Miikana. Niizhwewaan ayaawag imaa Dazhiikewin Enamok Miikana – mooz gaye adik. Moozoog gaye adikwag babaa-ayaawag emiijiwaad gegoon, e-aamiwaad gaye e-ganawenimaawaad egaashiinzhinid. Iwe Adik Nanaando-gikenjigewin omaa ayaa (Missisa, Ozhiski, Nipigon gaye Pagwachua).

## Ezhinaagwak Noongom

Gii-nanaando-gikenjigaade imaa akiing 2019 biinish 2013 egagwe-jimindwaa Anishinaabeg gaye godak gikenjigewin. Gii-ganawaabamaa-wag adikwag, 30 noozhe-adikwag gii-ganawaabamaawag 2021 ji-gikenimindwaa gii-aamiwaad gaye aandi ezhaawaad gaye ezhichigewaad. Gii-naagwan e-zaagitoowaad gaawiin aapiji gaa-izhi-mitigokaasinog e-ayawaad gaye ezhi-mashkiigowang gabebiboon gaye gabeniibin.

## Adikwag

Adikwag, inenimaawag ji-jaagiiwaad, nisinoon dash ezhi-ayaawaad (ON5, ON7 gaye bangii ON9) gaye niwin akiin (Missisa, Ozhiski, Pagwachuan gaye Nipigon) gaa-izhi-nanaando-gikenjigeng. Nisinoon akiin gaye Missisa, Ozhiski gaye Pagwachuan akiin ayaawag adikwad ebaatiino-waad. Imaa Nipigon akiing gaawiin ozaam dazhiikigaade aki imaa ji-ayaawapan adikwag. Gegoon Enishkaamagak Akiing gaye Aanji-izhiwegak Gaanada Akiing ikidowag gaa-ayaawaad daa-mino-dazhiikewag adikwag giishpin 65% odakiimiwaa dazhiikigaadesinog ji-biaaji'idizowaad.

Awashime aabita nanaando-gikenjigewin adikwag ganawaaba-maawag. Maawach giowedinong izhi-baatiinowag gaawiin dash aapiji imaa zhaawanong inake. Adikwag oidaanitoonaawaa gaa-babaa-izhaawaad, daabishkoo gii-biboong bakaan e-izhaawaad. Maawach wenzhishing izhaawag imaa gaa-izhi-nanaando-gikenjigaadeg aki.



Adikwag zhaabwiiwag gaa-izhi-baatiinowaad. Adikoonsag gaa-ganawaabamindwaa, bangii bakaan izhinaagwan ezhichigewaad, giiyaabi dash gaawiin gikenjigaadesinon aaniin ge-izhi-dazhiikewaad adikwag imaa.

## Mooz

Nanaando-gikenjigaade aki gaa-ayaawaad moozoog ji-wiisiniwaad gaye ji-giizhoozowaad gii-biboong. Gii-zakideg izhi-ozhi'oomagan gaa-izhi-mino-dazhiikewaad moozoog. Babaa-ayaawag moozoog bebakaan izhi-dazhiike-wag. Gaa-onizhishing aki imaa zhaawanong inake, gaawiin dash aapiji imaa gaa-izhi-mashkiigowang. Ani-agaasiinowag moozoog Ontario apii 2000 gii-maajii-izhiseg memindage giiwedining. Gaa-gii-izhi-nanaando-gikenji-gaadeg odaanaang gaye ezhi-baatiinowaad igi, imaa Aabajichiganan gaye Mitigokewin Ogimaawiwon, gaawiin aapiji ayaasiwag moozoog gaa-izhi-andawenjigaadeg. Gaa-miigaanigowaad ayaawag, andawenjigewin, aakoziwin, gaa-angwiimagak gaa-miijiwaad gaye gaa-aanjiseg izhiwebak. Ani-agaasiinad gaa-izhi-dazhiikewaad gaye gaa-miijiwaad.



## Ge-izhisewaad Ge-maazhisegiban.

Nisin gii-ganawaabanjigaadewan adikwag gaye moozoog ge-izhisewaapan aandi ge-izhi-dazhiikewaad, gaye aaniindi gaye ge-izhi-bimaaji'idizowaad.

Ozhichigaadeg iwe Dazhiikewin Ayaag Miikana gaye aabadak, daabishkoo bashko-ga'igenaaniwang, maawadoonigaadeg gegoon gaye aabadak iwe miikana gaye ganawenjigaadeg, da-maanzhisewag adikwag gaye moozoog. Iwe Miikana daa-aanjisemagan gaa-izhinaagwak aki, azhashki gaye gitigaanan, ji-onji-aanjisemagak gaa-izhi-bimaadiziwaad igi. Gaye waasikwanenjiganan gaa-noondaagwak gegoon gaa-maanzhimaagwak, gaye awiyag gii-ayaawaad imaa, da-onji-aanjise gakina bimaadiziwin. Miikanawan gaye gii-bikoshing goon, bakaan da-inendaagwan bimaadiziwin. Da-baatayiinowag ge-giiwosewaad ge-nisaawaad moozoon. Nawach da-baatiinowag ge-nisaawaad moozoo' gaye adikwa'. Maagizhaa gaye da-bichibizowag. Gii-baashkinedaawangibizo-waad odaabaanag, da-onji-bakaanendaa-gwan ji-ayaawaad adikwag gaye moozoog.

Ikidowag aaniin ge-izhichigeng ji-maanaaji-indwaa igi ge-angwiiwaapan, igi adikwag gaye moozoog. Owe daa-izhichigenaani-wan;

- Dayaabadadoon gete miikanan, ozhitoowaad Oshki-miikana;
- Gego wanashkwe'aaken adikwag gaye moozoog gaa-dazhiikewaad;

- Ozhitoon miikanawan apii ayaasig-waa moozoog gaye adikwag imaa.
- Ngojigo 30 m gego izhaaken zaag-a'iganiing gaye ziibiin, gaye gego bashkoga'igeken jiiigibiig;
- Ayaan ge-izhi-aabajitoowaad aki moozoog gaye adikwag;
- Aabajitooon aki ge-izhi-giwe-nitaa-wigigin gitigaanan;
- Dayaabadad mazina'igan naanaagaji'indwaa awesiinyag, aanind awesiinyag izhaawag zhaawanong gaye giwedionong, onjida da-gikendamowaad gaa-anokiiwaad ezhichigenid awesiinyan;
- Gikino'amaw anokiiwininiwag ji-manaaji'aawaad aya'aawisha' gaye godak gegoon ge-onizhishing;
- Ozhitoon gaye aabajitooon Enishkaagemagak Izhichigewin;
- Naanaagaji'indwaa awesiinyag, aanind awesiinyag izhaawag zhaawanong gaye giwedionong, onjida da-gikendamowaad gaa-anokiiwaad ezhichigenid awesiinyan;

## Ge-inishkaagemagaak

Ozhichigaadeg iwe Dazhiikewin Miikana izhichigenaaniwang dash ji-manaajichig-aadeg aki, gaawiin aapiji da-maanzhichi-gaadesinoon gegoon.

### Adik

Iwe Dazhiikewin Miikana da-wanishkwechige-magan imaa Missisa gaye Nipigon inake. Naawiya'ii gaye giwedionong inake imaa gaa-izhi-naagadawaabanjigaadeg da-izhi-odaa-pinigaade gaa-danakiiwaad adikwag. Da-nepi-ji-odaapinigaade gaa-danakiiwaad adikwag imaa Missisa gaye Nipiigon akiing. Awashime dash gaye da-inishkaagemagan iwe Dazhiikewin Miikana, gaawiin eta imaa.

Mikanawan gaye godak daa-izhi-maanzhidoo-dawaawag adikwag gaawiin aaniish ogiken-daziinaawaa. Da-maanzhise. Iwe Dazhiikewin Miikana da-onji-nibowag adikwag nisaagani-wiwaad, aabajichigaadegin ini miikanawan, daa-bitakoshkawaawag gaye. Ginwesh aa-bajichigaadeg iwe Dazhiikewin Miikana da-onji-maanzhisemagan.



## Mooz

Iwe Dazhiike Miikana da-onji-maanzhidooda-waawag gaye moozoog ewanashkwechigaa-denig gaa-izhi-ayaawaad. Ozhichigaadeg miikana, memindage imaa zhaawanong naawiya’ii inake imaa Gaa-izhi-waabanjigaa-deg. Ombiigizinaaniwang da-onji-wanashkwe-chigemagan gaawiin dash aapiji moozoog da-wii-ayaasiiwag imaa. Ayaamagak gaye imaa iwe miikana, gaawiin da-wii-ayaasiiwag imaa moozoog. Dazhiikewin Miikana da-maanzhi-chigemagan.

Inamoog Miikana ma’iinganag oga-nisaawaan moozoon odaabaanan oga-nisigowaan moozoog bichibizowaad, da-baatayinowag odaabaanag ge-bisikowaawaad moozoon. Gaawiin da-jaginanaasiiwag moozoog miikana onji. Da-baatayinowag ge-giiwosewaad Wemitigoozhiwag Anishinaabeg gaye omaa Miikanaang; gaawiin gikendaagwasinon ge-dashiwaad waa-kiiwosewaad. Gaawiin gikendaagwasinon, aaniin ge-izhi-ayaawaad moozoog minik ge-nisindwaa maagizhaa bangii eta da-ishkonanaawag moozoog.



## Maamaw ge-inishkaagemagak

### Adik

Maamaw ge-inishkaagemagak imaa Nipigon gaye imaa Missisa da-naagwan. Maamaw ge-inishkaagemagak dash gaawiin aapiji da-naagwasinon imaa Ozhiski gaye Pagwachuan ozaam aaniish ono gaawiin ozhibii’igaadesinonon imaa Dazhiikew Miikana.

**Ketashinakacicikaniwak:** ketashi miikoshkikemakak iwe miikanan katashi oshicikatek miinawaa wakahi 10 km tetipahi imaneke tashikewin miikanank

**Tetipahi nakacicikewin:** inekehi ketashinakacicikaniwak tetipahi. ikiweniwak ahtikok onci kainencikatek keishipimiyawach ishinakishkatimakanon kaishi niwakin ahtik pimiyanin: misisa pimiyanin, nipikon pimiyanin, oshishki pimiyanin miinawaa pakwaciwan pimiyanin.

### Mooz

Zhaaganaashii Ogimaa naanaagadawendam aaniin ge-izhichigemagak Miikana ogowe moozoog Gaa-danakiwaad—maagizhaa awashime da-ayaawag ge-giiwosewaad—mii owe ezhi-naagwak o’apii. Ozhichigaadeg Miikana gaawiin gegoo da-maazhisesinon gaawiin da-jaaginanaasiiwag moozoog omaa.

Ganawaabanjigaadeg megwaa ozhichigaadeg miikana gaye ginwesh aabajichigaadeg iwe miikana, biminizha’igaadegin inaakonigewinan Gaanada aki gaye akiikaaning, gaye bizinda-windwaa gaa-gii-ikidowaad Anishinaabeg gii-gagwejimindwaa, da-izhise. Mii enwaadeg iwe ganawaabanjigewin jiminodoodawindwaa igi moozoog gaye adikwag megwaa ozhichigaa-deg miikana.



## Awashime na kiwiikikentan?

Giishpin nawaj geyaabi gegoo wii-gikendamang, weweni gidaa-agindaan ji-gikendaman Aaniin Ge-meshkojishkaag / Gidakiiminaang Mazina'igan.

### Kekanonach Wiintamakewinan

Kinantomiko ima cishayan akwaaahkiink tashiikewinik miikana kapimanokiitamowach anapii piko wiikakweteyan kayema wiipakitinaman ikitowin.

Piiwapikonk: [eaisinput@martenfallsaccessroad.ca](mailto:eaisinput@martenfallsaccessroad.ca)

Kitowinik: 1-800-764-9114

Piiwapik: [eais.martenfallsaccessroad.ca](http://eais.martenfallsaccessroad.ca)

